

Mutt und Jeff 1931

Es stingg schynts uff em Zahligsbänggli
Dur d'Konkurränz vo de Schnitzelbänggli!
Me sott halt d'Diräktion uswäxle,
Das liesst sich jo ganz aifach dräxle:
Dr Quesnay soll do abe ko
Und 's Strybli soll dert uffe goh —
Denn hätte d'Schnitzelbängg gueneg Gäld
Und d'Zahligsbank wär ab der Wält!

Dr Miescher isch en arme Ma,
Dä het dr Bulver neetig gha!
Drum isch er jo au in d'Chemle —
E Dringgäld soll sy Lohn dert sy!
Worum het är d'Luftmatt nit gmo?
Er hält si doch fast geschänggt biko!
Er het halt Angst gha, 's isch e Hohn,
's Gäld läng denn nimme fir sy Pension!

Dr Dunneldram, d'Dreirosebrugg —
's isch ghüpft wie gsprunge, hi wie zrugg!
Und s Kunstmuseum, 's Hallebad —
's sinn Glunggikalbe, die vom Staat!
Uff unserem Baudepartemänt,
Do nimmt d'Schlofgrangget halt kal Aend:
Dr Brenner soll so gschnarchlet ha,
Ass die Andere fascht verwacht sinn dra!

E dumme Siech, e faule Simpel,
E greessewahnversychte Gimpel,
En eländ fräche Himmelhund,
Wo d'Schnüre lauft vom Pflutter wund:
E sone Fetzel, wie's do stoht,
Dä duldet men im Grosse Rott!
Dr kennet en jo scho, dä Ma:
's isch dr Ginosse . . . Olala!

„Es gibt e risegrosses Geschoiss:
Im Weschte ischt no als nix Nojs!
Im Norde ischt jo au nix Nojs!
Und au im Süde ischt nix Nojs!
Da komme se mit woisse Mojs,
Doch des ischt aber au nix Nojs!
Worum also des Risegschoiss,
Wenn doch nirgends ischt was Nojs?“

Uff d'Mäss sinn goldigi Wyber ko;
Mainsch, hänn si zoge? Sowieso!
's isch in die Bude mänge Spiesser
Und mänge halmlligfaisse Gniesser!
Dr Abligg macht zwor Anpetitt,
Drum sait d'Frau: „Hoppläh, halm, 's isch Zytt!
Mängem zückt's halt gly im Dumme
Wägen e baar brongsierte Pfluumel!“

Zem fromme Lisi	sait dr Scharli:
„Mir wänn das Stigg gseh:	„Ziehamskarli!“
Mer gehn jo numme	per Aexgysi —
Will's schlipfrigein syg,	kumm denn, Lisi,
Ins Stadttheater!	Do muesch luege
Wie do d'Moral goht	aus de Fuege
Mir sinn fir d'Sittlig-	keit voll Schwung
Und ptyffe voll	Bifridigung!“

Kemmet alli am Sunntig r'Oben no der Fasnacht
in Musigsaal zueem grosse Schlussobe vo de
Comité-Schnitzelbängg.